



Udaletxeko Kooperazio Arloaren laguntzaile taldeko kideetako batzuk, Sahararen aldeko ekitaldia aurkezten, Biterin.

## Saharako herriaren aldeko elkartasun ekitaldia larunbatean Plaza Berrian

■ Udaletxeko 'Kooperaziorako Arloaren talde laguntzaileak' antolatu du ekitaldia ■ Plaza Berrian, Saharari buruz informazioa emango da eta Polisarioko ordezkariak ere Hernanin izango dira.

LARUNBATEAN Sahararen aldeko ekitaldia egingo da Hernanin, Udaletxeko Kooperazio Arloaren talde laguntzaileak antolatuta. Talde honek prentsurrekoa eman zuen asteartean elkartasun ekitaldia aurkezteko, eta han azaldu zuten Sahara egoera kritikoan dago. Damian Pedrosak adierazi zuen Saharako herriak askatasunaren alde 27 urte daramazkiela borrokan, eta gaur egunean, hasieran bezalaxe daudela.

### Marruekosoren presioa egin

Marruekos eta Sahararen arteko auzia Nazio Batuen eskutik dago, eta Segurtasun Kontseiluak gutxi barru erabaki lezake zein pake proposamen bultzatu. Nazio Batuek autonomia proposatzen diete, baina, Polisarioak esana du hori ez duela onartuko. Egoera horretan, Sahararen aldeko taldeak dio Nazioarteko erakundeak ez direla ari agindutakoa betetzen, eta gutxitzen ari direla, bai Sahararekiko

elkartasuna eta baita Marruekosetikiko presioa ere. Pedrosaren esanetan, Elkartasun eta presio hori berpiztea eta indartzea da larunbateko bezalako ekitaldien helburua.

### JESUS REBOLLO ZINEGOTZIA

"Komunitate internazionalak Sahara ahaztu egin du eta, maila batean, Marruekosekin kolaboratzen ari da."

**Plaza Berrian Haima eta Polisarioko ordezkariak** Elkartasun ekitaldian *Haima* haundi bat jarriko dute Plaza Berrian eta han Saharari buruzko informazioa eta argazki erakusketa jarriko dituzte. Horretaz gain, laguntza firmak emateko eta janaria biltzeko aukera ere izango da (arroz, azukrea, atuna, olio, lentejak,

garbantzuak...).

Ekitaldia goizeko 11:00-etan hasiko da eta Frente Polisarioak Euskal Herrian duen ordezkari nagusia ere Hernanin izango da larunbatean, Saharako berri emateko. Elkartasun ekitaldiari Saharako giroa emateko tea hartzeko aukera ere izango da.

### Gosea Marruekosoren arma

Jesus Rebollo zinegotziak gogor kritikatu zuen Nazioarteko Sahararekin hartzen ari duen jarrera. Bere ustez, ONU, Espainia, Frantzia eta abar ez dira ari betetzen bere garaian hartutako konpromisoak. Betetzen ari ez diren konpromiso bat jana bidaltzearena da. Rebollok esan zuen ez dela kasualitatea justu orain etortzea jan eskasia, egoerak *zirt* edo *zart* egin behar duenean. Zinegotziaren iritziz, estrategia berri honekin Marruekosetik gosearen bidez lortu nahi du armaz eta presio internazionalaren bidez lortu ez duena.

Rebollok garbi utzi zuen egoera oso-oso larria dela. Nazio Batuen Erakundeak (ONU) Saharari eskubideak aitortu bai, baina, gero praktikan jartzeko aukerarik ematen ez badio, Rebollok galdetu zuen ea Saharari zer bide gelditzen zaion askatasunaren aldeko borrokan.

Prensurrekoan Hernanin bizi den Elbar Bujari Sahararrak ere hitz egin zuen. Bere iritziz Marruekosetik momentu honetan ez du inongo presiorik eta Sahararekin "jolasean" dabil. "Marruekosetik ez ditu bere herritarren eskubideak errespetatzen, eta guk ez ditugu errespetatuko. Hori bistakoa da." esan zuen Bujari sahararrak. Bujarik eskertu zuen haurrak familietan hartzen dituzten lana eta beste herritarrena ere bai.

Hala ere, Bujarik pauso bat gehiago ematea eskatu zien herritarrei eta erakunde publikoei presioa egiteko, presio hori Marruekosera iritsi dedin. □

## 'Trieb' musika taldeak kontzertua emango du astelehenean

TRIEB laukoteak kontzertua emango du datorren astelehenean Biteri kultur etxean, 19:30etan. Musika estilo asko jotzen dituzte bajua, bateria, kitarra eta teklatuarekin. Maketa bat grabatu berria du *Trieb*-ek eta datorren astelehenean 10 kantu joko dituzte, asko bereak eta baita beste zenbait taldereak ere. Kontzertua Udal Hezkuntza Batzordeak eta Musika Eskolak antolatu dute. □

## Txantxangorri elkarteak zabaldu da mus txapelketarako izen ematea


TXANTXANGORRI elkarteak zabalik dago mus txapelketarako izen ematea. Urtarrilaren 31 arte eman liteke izena Txantxangorri elkartearen bertan. Apuntatu ahal izateko sozia behar du bikoteko batek behintzat. Partidak otsailaren 3an hasiko dira. □

## Osiñagako auzo elkarteak bilera du datorren igandean

OSIÑAGAKO auzo elkarteak lau puntu eztabaidatuko ditu datorren igandeko bileran. Lehenengo puntuan auzoko beharrak eztabaidatuko dituzte eta eskaera berriak jaso ere bai. Bigarren puntuan Olazagirre zerraren auzian auzo elkartearen jarrera finkatzen saiatuko dira, epaitegiek Udalak eman zuen baimena baliogabetu eta gero. Hirugarren puntua Osiñagako jaien inguruko izango da, egutegia finkatu eta jai batzordea osatzea alegia eta laugarren puntuan abiadura haundiko trenaren kontrako manifestazioari buruz ariko dira. Trenaren kontrako manifestazioa dago otsailaren 1ean Tolosan eta Osiñagako auzo elkarteak manifestaziora joateko deia egitekoa du. □

**Allianz**   
ASEGURUAK  
Agustin Ezponda  
AGENTZIA  
Tel.: 943 557 326  
656 735 109

**ZINGI-ZANGA**  
Jatetxea  
  
Ostiral eta larunbatetan afa-riak ematen ditugu.  
Florida 54  
Tel: 943 33 03 97

**OIALUME ZAR SAGARDOTEGIA**  
  
Bihar, urtarrilak 24, zabalduko dugu.  
943 55 29 38  
OIALUME AUZO

**GALARRETA ALAI ALAI FRONTOIA** 

**GAUR ARRATSALDEKO 16:00ETATIK AURRERA ERREMONTA JAIALDIA:**

1. partdua: LARREA - GAZTELU / UTERGA - RECLUSA
2. partdua: EZKURRA - AIZPURU / ZEBERIO II - LIZASO
3. partdua: ALTUNA I - AIZPURUA II / BEREZIARTUA - ETXABE
4. partdua: SARASUA - MENDIZABAL / IRIBARREN - BADIOLA

## Euskal Herriak Bere Eskola taldeak mintegiak egingo ditu datorren larunbatean Zarautzen

■ Mintegirako izena eman nahi duenak Hernanik Bere Eskola taldeko norbaitekin hitz egin; edo 696 200570 telefonoan edo *ahbe@euskalherria.org* helbidera idatzi.

EUSKAL Herriak Bere Eskola taldea Euskal Herriarentzat hezkuntza sistema propioa aldarrikatzen duen talde bat da. Euskal Herri mailako taldea da, baina, herriz herri talde txiki-agoak ditu eguneroko lanerako. Sei lehentasun finkatuak ditu:

- 1) Eskolak euskaldundu behar du
- 2) Lanbide heziketak euskeraz
- 3) Euskeraz ikasteko eskubidea.
- 4) Euskal eskolak bere kurrikuluma.
- 5) Haur eskola euskaldunak, hezitzaileak eta herritarrak.

6) Euskal Herriak euskal uni-bertsitatea.

### Mintegia larunbatean

Euskal Herri mailako mintegia izango da datorren larunbatean Zarautzen, 09:30etatik 18:00etara. Euskal Herriak Bere Eskola lan egin lezakete profesionalek, ikasleek eta baita interesatutako beste edozeinek ere. Sei lan talde sortuko dira: lehentasun bakoitzeko bat. Mintegietan 3 fasetan landuko du talde bakoitzak bere lehentasuna:

Lortu nahi diren helburuak zein diren markatu, helburu horien inguruan zein adibide dauden ikusi eta helburu horiek nola aurrera eraman azertu.

Mintegirako izena emateko Hernanik Bere Eskola taldeko norbaitekin hitz egin, 696 200570 telefonora deitu edo *ehbe@euskalherria.org* helbidera idatzi, eta ingresoa egin Euskadiko Kutzako 3035 0086 61 0860027919 zenbakian (ikasleek 6 euro eta besteek 10 euro, bazkaria barne). □

## ERREMONTA -BINAKAKO TXAPELKETA

### Altuna-Eizagirre lehen postuan jarri dira Altuna II-Etxaberi 40-37 irabazita

ERREMONTA Binakako txapelketa aurrera dioa. Asteartean, Altuna eta Eizagirre pauso oso garrantzitsua eman zuten Euskalen, finalurrekoetan sartzeko, Altuna II eta Etxaberi irabazita. Partidua Altuna II eta Etxabek izan zuten hala ere menpean eta 28-21 irabazten ere joan ziren. Partidu bukatara, ordea, Eizagirre iritsi zen sasoi-koena eta buelta ematea lortu zuen, latz jokatu. Punta puntako partidua izan zen. Saiklapena: 1) Altuna I-Eizagirre 4 puntu; Altuna II-Etxabe, 3 puntu; Iñigo-Lizaso, 3 puntu; Ezkurra-Urko, 3 puntu; eta Zeberio II-Aizpuru, puntu 1. Gaur ez dago txapelketa partidurik baina Galarretan jaialdia izango da 16:00etan hasita. □



Eizagirre lurrera salto eginda pelota bat eramaten.

## ESKOLA KIROLA ASTEBURUKO EMAITZAK



Langile, Urumea, Elizatxo eta Txirritako pelotariak lehengo larunbatean.

Pelota	Taldeak	Emaitza	Futbolsala	Taldeak	Emaitza
A lehinak	Langile C-Urum ea B	5-0	Infantilak	Antigua-Langile	4-3
A lehinak	Urum ea A-Langile D	0-5	Benjaminak	Langile A-Urum ea	0-3
A lehinak	Langile A-Urum ea E	5-3	Benjaminak	Elizatxo B-Elizatxo A	3-0
A lehinak	Langile B-Elizatxo B	2-5	Benjaminak	Langile C-Langile B	2-1
A lehinak	Txineta-Elizatxo A	5-1	Bolabolak		
Saskibaloia			Kadeteak	Langile-Landaberi	3-0
A lehin eskak	Langile-M "A uxiladoa"	64-20	A lehinak	Elizatxo-LSB	2-1
A lehin eskak	Urum ea-Zumbala	9-31	A lehinak	Urum ea-M undaiz	2-1
A lehin mutilak	Elizatxo A-Langile A	27-31	Errugbia		
A lehin eskak	Elizatxo B-Inm aculada	28-31	Benjaminak	Elizatxo A-Elizatxo B	1-1
			Benjaminak	Inm aculada-Langile B	1-2



Luber bideo denda irekita egoten da txartelak hartu ahal izateko.

## Kardaberaz kalean bideo denda berria ireki dute

■ Pelikulak VHS eta DVD formatoetan ■ Sandwich eta goxokiak ematen dituzten makinak ere jarri dituzte.

LUBER bideo denda berria ireki dute Kardaberaz kalean. Bideoak makinetan hartzen dira, harpide txartelarekin. Txartelak egiteko ordutegia da 11:30etatik 21:00etara, astelehenetik igandera, eta makinetan egun osoz hartu litezke bideoak. Luberreko arduradunek esan digutenez, era guztietako bideoak daukate, gaika sailkatuta. Berezienak agian animazioa eta Zine Klub sailak dira. Animazioan marrazki bizidunetako pelikulak daukate eta Zine Klub sailean pelikula

alternatiboak: zine europarra, vietnamita, argentinarra... festibaletan sariak atera arren ikusteko aukera haundiegirik ez dauden bideoak. Bideoak hartu ahal izateko txartela egin behar da Luberren, eta otsailaren 3 arte deskuentoak daude hainbesteko kopuru bat hartzeagatik.

### Sandwich eta goxokiak

Luber dendak sandwichak, goxokiak eta litxarreriak ere badauzka makinetan, jendeak nahi duen orduan hartzeko, bideo pelikulez gain. □

## Hizkuntz Eskubideen Behatokia euskerari egindako erasoak salatuzko

HIZKUNTZA eskubideak zapaltzen direla ikusi ezker, bada non kejatua edo non informatua. Hizkuntz Eskubideen Behatokia salaketak jaso eta zer egin aholkatzeko eta horretan laguntzeko sortu da. Telefonoa 902 194 332 da. Telefonoz deitzeaz gain, erre-

klamazio horri bat ere bidali behar da behatokia. Informazio gehiago *www.behatokia.org* helbidean dago. Hernaniko Euskal Herrian Euskaraz taldeak herritarrak animatu ditu Euskara Zapaldua ikusten denean behatokia kejatzeraz. □

### ZERBITZUAK

#### ☎ TELEFONOAK

- Taxiak: 943 550093
- Udaltzaingoa: 943 333288
- DYA: 943 464622
- Autobusak: 943 556662
- Anbulatorioa: 943 006666
- Jokalari anonimoak: 943 331103

#### ☎ FARMAZIAK

- Egunez: Bulnes Florida auzoa ☎ 943 557738
- Gaez: Tanco Urnieta. San Juan 36 ☎ 943 550942

### IRAGARKI MERKEAK

Umeak zaindu eta etxeko lanak egiteko pertsona bat behar dut. Goizeko 8:00etatik 15:00etara. Deitu: 943 55 58 40 (Arratsaldeko 19:00etatik aurrera)

Hernaniko Kronika  
interneten

[www.dobera.com](http://www.dobera.com) helbidean